

1774 C 52

DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA*,

QUOD LIBETARIIS DISPUTATIONIBUS
manè discutienda in Scholis Medicorum, die Jovis decimâ-sexâ mensis
Novembris, anno Domini M. DCC. LXXX.

M^o. JOANNE - JACOBO PAULET,
Doctore Medico, Præsîde.

An perspirationi & sudori cætera excretiones vicaria?

I.

CORPORIS involucrum cutis est. Hæc autem constat *epidermide*, corpore reticulari, cute propriè dictâ. *Epidermis* squamulis lamellisque coherentibus instructa, ex ductuum *excretorium*, vel papillarum *nervearum* reflexis finibus, vel ex utrorumque simul constat. Creberrimis pertunditur foraminibus; plicis tum amplioribus, ut in volis manuum plantisque pedum, tum minoribus, regulari fere ubique tractu excurrentibus exaratur. Cuticulæ, nexu satis firmo, hæret corpus reticulare, exilibus textum *fibrillis*, in sensus exquisitioris partibus, apicibus videlicet digitorum & linguâ, maximè conspicuum. Foraminibus quoque pervium est retis in modum factis, quibus pilos transmittit, cutisque *nerveas* papillas, totidem quasi retinaculis, coercet. Corpori reticulari cutis subjacet, inæqualiter, ut duæ superiores membranæ, diversis in locis crassa *epidermidisque* instar variis sulcata plicis. Intricatissimo fibrarum *tendinearum* plexu deprehenditur compacta sebaceis & *miliaribus* respersa glandulis. Illam numerosissimi perreptant vasorum omnis generis surculi; horridulam quasi reddunt, in linguâ præsertim & extremis digitis, maximè spectabiles *nerveæ* papillæ; actis aliquando in subjectam adipem radicibus, pili perforant; meabilem faciunt: numerosa adeò diversæ magnitudinis foramina, ut, sub uno sabuli grano, 125000 latirare possent gradu diversæ. Per ea *transpirationis* & sudoris erumpit, præparationis tamen, etiam in statu sano, spernendus index: *perspiratio* tritûs conamen ultimum. Utriusque materiam constituit sanguinis aquosa pars, Hippocrati τριφής ὁχμα, quæ chylo primùm immixta, cum partes alibiles ubique deportaverit, partibus post nutritionem superfluis, à sanguine per varias portas eliminandis, iterum vehiculo est. Hæc quidem materia, non per glandulas Stenonis aut Malpighii; sed per arteriarum *lymphaticarum*, cutem undique perreptantium, ramulos scernitur. Huc nempe allabentis sanguinis *fibrosa* globosaque pars, ut quæ crassiores, exilissimas canaliculorum diametros subire nesciunt; sed in venas resumî amant, dum pars tenuior, per sitos à latere ductus *excretorios*, abripi se patitur, extra corpus; modò sub hæc, modò sub illâ specie eliminanda. Materię si copia iusto major affluit, ut fit post lautiores epulas, vel fatiscunt vasorum fibræ, quod post immodicum laborem solet, sub guttularum sensibilibium

* Authore M. MICHAËLE PHILIPPO BOUVART, 1737.

formâ exprimitur, & sudor est; si verò sua stat vas elastica *dusilitas*, moderataque adest elaborandi succi copia, tunc tennis halitus visum fugientis speciem induit, & *perspiratorium* nuncupatur effluuium: Unam hanc *vacuationem* cæteris simul sumptis superiore, ratione assumptorum, esse ut § ad 8, *Sanctorianis*, sub coelo Italico habitis, experimentis constat. Ipsam autem, ut & sudorem, aliis excretionibus pensari quis dubitabit, si illæ in tantum augeantur, in quantum sudori aut *perspirationi* detrahitur?

I I.

QUOMODO se habeat utraque cutis excretio cognovisse parum est, nisi ad summas earum respexeris utilitates, ex œconomiae animalis legibus repetendas. *Elasticis* conflamur partibus. Solidas alias, alias fluidas nuncupant. Alterno nixu sic agunt, ut utraque non iniquo Marte concurrere dixeris. Sic vita perpetua, geminum inter elaterium, lucta est, cujus in æqualitate sanitas cessatione mors. Vivere igitur absque motu haud licet, nec moveri datur quin aliquid à nobis secedat. Hinc mortis brevi causa fieret, qui vita fons est, motus, nisi hujus perennitate detritis partibus, per nutritionem, fuisset prospectum. Hæc autem quò felicius abolveretur, patere debuerant fores, per quas, si quid à solidis abrasum, si quid in fluidis vel superflui, vel ad nutriendum inhabilis occurreret, illud omne, excretum à corpore, recentioribus alibilibusque succis meliùs occupandum relinqueret spatium. Non in alium sanè finem hiant cutis spiracula, canalesque *excretorii* quorum ope fluit utraque excretio. Si debito tempore & modo procedant, benè est. Hoc pacto sanguis ab inutilibus purgatur recrementis, unde fluidior factus, leviori, per arterias & venas, itque reditque cursu. Inutilibus expedita succis vasa alacrius operi vacant: felicior fit humorum, per varia incernicula, derivatio. Quin & ipsa mens, aliàs quidquid errat corpus miserè plecti solita, aptior evadit ad operandum. Salutifera verò minuantur effluvia, nec ipsorum aliunde pensetur defectus omnia in pejus ruere. Impurus, nec benè subactus, sanguinem inficit latex; ideirò malè torpet iners corpus, iniquo pondere solidorum vis oppressa gemit; hinc succorum, variè in locis, *stases*, coagula, mille morborum semina. At, ac folamine per cutem, morà suà, nocituri humoris utilis iactura fieret, nec illis aliis organis, tot commoda præstare, tot ærumnas antevertere concessum foret?

I I I.

MINIME. Non tritam semper calcat natura viam. Per insolitum aliquando tramiem molitur iter. Illam altiùs scrutare; pecudum reclusis pectoribus inhians exta spirantia consule. Odore teste, iudicibus nonnunquam oculis, ex calentibus visceribus effertur, ab effluvio *perspiratorio* quàm parum abludens, vapor! Ex quolibet viscere exprimi potest sudori genuino proximus latex. At, ne latius excurramus, pulmonem imprimis respice quàm egregiè cutis emunctoria imitantem! Arterii *excreticibus*, totus quantus est, mirum in modum dispergitur, extremis ostiolis, vel poris laterilibus in ejus cavo undique apertis. Vascula hæc, non secus ac *cutanea*, aquosum segregant laticem partibus à nutritione superfluis onustum, segregando terunt, tritum in vesiculas eructant. Humor ille, si suum stet pulmonariis fibris robur, ultimum nactus tenuitatis gradum, per os expiratione pellitur, æstate præsertim, oculorum aciem ludens. Quale *perspirationis* insensilis exemplar! Si contra liquoris ejusdem quasi diluvio merguntur vascula, horum diductis & madentibus fibris minuitur tonus; inde minus tritum, molliùsque quàm par est verberatum liquidum effluit intra vesiculas, ibique guttulæ unita guttula in sputum coit. Quid quæso illud est nisi sudor est, aut sudori proximum? Neque id soli tribuas pulmoni; suus etiam emittitur ventriculo vapor & nos *gastricus*, sui intestinorum opplent latebras fumi subriles, sui eas, ploratu jugi, madefaciunt mucosi latices. Quidquid ex renum colis in pelvim decidit, siue id sub

tenuis halitus specie clam exiliat, siue stillando in aquæ rivulos confluat, vel à *perspiratione*, vel à sudore quid discrepat? Urinam & sudorem, trutinante quasi lingua, confer & explora: liquorem utrumque principiis ex iisdem conflatum dicas, saporem adè similem, falsum, *subracrem suboleosum* exhibent. Nulla ferè non in parte totidem indubitata reperies *perspirationis* aut sudoris pignora. Percurre mesenterium, pleuram, pericardium, oris glandulas, membranam *pituitariam*, partesque universas. Nullibi non aderunt vasa *excretoria*, nullibi non sanguis, nullibi non tritus jugis & pressio. Ubique succi effocti & inutiles ex communi sanguinis fluento eliminandi: ubicumque igitur sudoris & *perspirationis* imagines. Nec sibi solis adè ex dictis organis pleraque succis inutilibus excernendis allaborant, quin *perspirationis* utriusque tardatæ vicibus supplendis pares sint, & tantò majorem materiæ hujusce quantitatem eliminant, quanto minorem cutis emittit.

IV.

HÆC vita quam agimus veluti mare est in quo, si benè calculum ponas, ubique naufragium imminet. Sua cuicque ætati, sexui, temperamento, conditioni, lethifera pestis. At commune omnibus ab inhibita *perspiratione* tericulum. Vel levissimo frigidiore auri in minimam partem afflatu stringuntur cutis ostia, strictæ vicinas, vicinæ proximas ad se trahunt partes; sic tota tandem cutis in consensum vocatur. Hinc nulli certè sua per diem solidum staret sanitas, nulli superflus intra vasa impunè cohiberetur humor, nisi à *peripheriâ* ad centrum pulsus per interiora sibi quæreretur effugium. Quomodo verò se res habeat, tene. Arctatis quâvis de causâ cutis ostiis, immunitisque vasculorum huc tendentium diametris, qui appellit humor, objecto repagulo, hæret obicem pone sequenti positurus; novissimus in hunc alidit, qui veluti refluxus, quâ minis resistitur, ut in physicis æquum est, quærît iter. Idcirco ad internas partes blando tepentes calore, cutē constrictâ molliores, ceu patentiori receptus alveo, vertitur, quâque data porta effluit. Non aliâ de causâ, instante hyeme, materiæ per cutem *exhalabilis* pars in pulmonem repellitur. Indè, depresso thorace, efflatur sub fumosi vaporis formâ oculis idè obvii, quod effluvia densata sint, & per viscus unicum exeat ea materiæ pars, quæ, si per cutem universam eliminaretur, oculis faceretur. Senes minùs *perspirare* arguit iners corii ariditas, furfuraceaque ejusdem desquamatio, quæ nihil est nisi *perspirationis* materia extremis morata canaliculis. Desectum hunc in illis pensant major, quàm in junioribus, mucis per nares, per oculos lacrymarum, salivæ per os, per vesicam urinæ, fæcum per intestina excretio. Phlegmaticis, præ molliori partium solidarum structurâ, minùs perspirantibus, uberior undique pituita provenit. Biliosis contraria evenire dubitat nemo. His ut partium effluens siccitas flammæque sanguinis *crasis*, ita inexpectus edendi amor: ut fibra agiliior fluida crebrioribus quatit ictibus & comminuit, ita copiosa *perspiratio*, ita sudor rarus, ita urinæ fluxus paucus & infrequens, quidquid alio deiecitur, id pigre parcèque admodum. Quid verbis opus? Cutis densitas, alvi laxitas & vice versâ. Frigore externo corrugata cute, diarrhœa se correptum quis pluries non est expertus? Cui, ob sudorem suppressum, solito copiosius urina non fluxit? His de rationibus quibuscumque fœcis ore & naribus vivere vix datum est. Sic quas tandem, propter delicatulum corporis habitum, minùs *perspirabiles* fecit natura feminas, fluxui menstruo obnoxias reddidit. Hinc diuturnâ meditatione & experientiâ nixus Sanctorius, *perspiratione* imminutâ, sensibiles augeri excretiones pronuntiavit, nisi fortè accadat cachexia vel febris.

V.

PERSPIRATIONIS igitur & sudoris materiam aliquando per inassueta ferri incernicula dubitet nemo: neve quis objiciat, alia esse *perspirationis* & sudoris,

alia cæterarum excretionum organa; unde, pro structuræ varietate, dissimiles debeant fecernere succos ex sanguine. Sic, inquit, quæ cola urinam, non item sudorem segregare apta nata sunt. Esto, à sudore discrepet urina. At tamen est discrepantia? Oleum, sales, terram crassiores continet urina, tenuiores sudor. Cum igitur renes fecernant liquidum crassioribus foetum partibus, quid mirum si tenuioribus? Verum ıccert, pergis, quā viā natura nocitos humores pellat, *vacuationesque* omnes, ex Hippocrate fieri debent per loca convenientia. Quis negat? At quid naturæ convenientius est, quid familiare magis, quam ut oclusā hac viā, per illam abjiciendis humoribus pareret exitum? Sic febres easdem vel sudoribus copiosis, vel largo alvi profluvio, æquali tamem cum ægri bono, judicat. Sed ex hac ipsa, instas, crisiū diversitate, diversa morbosicæ materiæ indoles, diversum se prodit morbi genium. Rem acu non tangis, petito ex *syphilide* exemplo, melius intelligendam. Unam eandemque esse, in omnibus, Venerei *misimatis* conditionem distictur nemo. Per diversas tamen portas, unā cum humore infecto, venenum hoc amandari posse non dubium. Imò quidam hanc lue insciuntur, quibus, ob fæda oris ulcera, aut erosa carie palati ossa, *ptyalismum* immoderatum, ceterè piaculum foret. In tali ærum statu, etiam si natura morbi solutionem per oris glandulas molliatur, materiam tamen per cutem, alvum, vesicam, datā operā, nec sine successu, deturbat prudens Medici solertia. Hinc patet unum eundemque liquorem, lympham purā veneno infectam, per diversas admodum vias colari posse. At *perspiratio* & sudor nobiliores in partes conversæ morbis sæpe gravissimis causam præbent: in pulmonem catarrho, in membranā *pituitariam coryzæ*, in intestina diarrhœæ, in renes *nephritidi*. Qui mirum? Sed est modus in rebus; si copiosius irrumpat materia, si ipsius diutius duret affluxus, concedimus; si minus, aded non morbi periculum avertit, ut contra præversat. Ex his concludimus:

Ergo perspirationi & sudorū cæteræ excretionēs vicariæ.

DOMINI DOCTORES DIPUTATURL

- | | | |
|---|---|--|
| M. Carolus-Jacobus-Ludovicus
COQUEREAU, Serenissimi
Condei Principis Medicus or-
dinarius. | M. Joannes-Baptista-Eugenia
DUMANGIN, utriusque Phar-
maciæ Professor designatus. | M. Petrus DE LALOUETTE,
Regii Ordinis Eques. |
| M. Franciscus-Maria LE MOINE. | M. Thomas LEVACHER DE LA
FEUTAYE, antiquus Facultatis
Decanus, & Academiæ Censor. | M. Petrus-Josephus MACQUER,
Regiæ Scientiarum Academiæ
Socius, in Horto Chymia Pro-
fessor, & Censor Regius. |
| M. Joannes-Augustinus COUTA-
VOZ. | M. Bertrandus DELPUY. | M. Josephus-Maria-Franciscus
LASSONE, Regis ab omnibus
consiliis, Archiatorum Com-
es designatus, Serenissimæ
Reginæ Medicus primarius; &
Regiæ Scientiarum Academiæ,
Universitatis Medicinæ Mons-
pellienfis Doctor aggregatus &
honorarius, Regius Librorum
Censor, &c. |

Proponebat Parisiis PETRUS PUJO, Parisinus, Nosocomiorum Militarium, Regis
Exercituum in Normandia Medicus, necnon Saluberr. Facultatis Medicinæ Parisiensis
Baccalaureus, A. R. S. H. 1780. AB HORA OCTAVA AD MERIDIEM.

Typic QUILLAU, Universitatis & Facultatis Medicinæ Typographi 1780.